

Evening Dogri News Bulletin,

28 December. 2025 .18:15 Hrs

Headlines

- प्रधानमंत्री नरेंद्र मोदी होरें आखेआ जे 2025 ब'रा राश्ट्री सुरक्षा खेड्डें ते नमिएं सयाइंसी काड्डें आहले खेत्तरें च भारत लेई गौहू करने आहले मील दे पत्थर तय करने आहला रेआ।
- आकाशवाणी परां अपने 'मन की बात' प्रोग्राम च प्रधानमंत्री मोदी होरें आपरेशन सिंदूर गी उजागर कीता।
- कृषि उत्पादन मैहकमे दे मंत्री जावेद अहमद डार होरें उधमपुर च इक बड्डे करसान मेले दा उद्घाटन कीता।
- जम्मू-कश्मीर पोलीस आसेआ आयोजित जम्मू मैराथॉन 2025 "रन फॉर युनिटी" च बड़ी मती गिनतरी च लोकें हिस्सा लेया।
- औंदी 30 दिसंबर थमां मौसम च बदलाव संभावित ऐ-केइएं थाहें हौली बरखा ते बर्फबारी होई सकदी ऐ।

<><><><><><>

PM-MKB

प्रधानमंत्री नरेंद्र मोदी होरें आखेआ ऐ जे भारत नै इस ब'रे राश्ट्री सुरक्षा थमां लेइयै खेड्डें दे खेत्तर ते विज्ञान लैबोरेटरिएं थमां लेइयै दुनिया दे सभनें शा बड्डे मंचें तगर हर थाहै पर अपनी मजबूत छाप छोड़ी ऐ। अज्ज आकाशवाणी पर अपने "मन की बात" कार्यक्रम राहें देशवासिएं कन्नै अपने बचार सांझे करदे होई श्री मोदी होरें इस ब'रे गी चेत्ता करदे होई आखेआ जे 2025 ब'रे नै हर भारतवासी गी गर्व करने दे केई मौके दित्ते न। उ'नें आखेआ जे आपरेशन सिंदूर इस ब'रे हर भारतवासी लेई गौहू दा प्रतीक बनी गेआ। उ'नें आखेआ जे दुनिया नै साफ दिक्खेआ जे अज्जै दा भारत अपनी सुरक्षा कन्नै कोई समझौता नैई करदा।

प्रधानमंत्री होरें वंदे मातरम दी 150मीं ब'रे गण्ड पर लोकें दे उत्साह ते जोश दी सराहना कीती।

प्रधानमंत्री होरें आखेआ जे 2025 आह्ला ब'रा खेड्डें आस्तै बी यादगार रेआ ऐ। भारत दी मर्दे दी क्रिकेट टीम नै आई.सी.सी चैंपियन ट्रॉफी जित्ती।

प्रधानमंत्री होरें आखेआ जे इस ब'रे विज्ञान ते अंतरिक्ष खेत्तर च बी भारत नै बड़ी शाल मारी ऐ। ग्रुप कैप्टन शुभांशु शुक्ला अंतरराष्ट्री अंतरिक्ष स्टेशन पुज्जने आह्ले पैहले भारतीय बने।

प्रधानमंत्री होरें आखेआ जे इस ब'रे आस्था, संस्कृति ते भारत दी अनुठी विरासत दा संगम दिक्खने गी लब्बा। ब'रे दे शुरू च प्रयागराज महाकुम्भ नै सारें'गी हैरान करी दित्ता ते ब'रे दे खीरै च अयोध्या च राम मंदर ध्वाजारोहन समारोह नै हर भारतवासी गी मानै नै भरी दित्ता।

प्रधानमंत्री होरें आखेआ जे स्मार्ट इंडिया हैकाथॉन इक्क होर मौका ऐ जित्थे विचारें गी अमल च आह्नेआ जंदा ऐ। उनें गलाया जे इस ब'रे दे हैकाथॉन दा समापन हाल च गै होआ ऐ। एह्दे च विद्यार्थियों 80 थमां बद्द सरकारी मैहकमे दी 270 थमां मती समस्याएं पर कम्म कीता। प्रधानमंत्री होरें जानकारी दित्ती जे पी.एम सूर्य घर मुफ्त बिजली योजना दे राहें सरकार हर इक लाभार्थी परिवार गी सौर पैनल लाने आस्तै 75 ज्हार थमां 80 ज्हार रपे तगर दी राशि देआ'रदी ऐ। प्रधानमंत्री होरें अपने संबोधन च खीरे च फिट इंडिया मूवमेंट दी बी गल्ल कीती। उनें स्याले आह्ली इस रूतै दरान सभनें कसरत करने ते फिट रौहने लेई गलाया।

<><><><><><>

Kisan Mela Udh.

कृषि उत्पादन मंत्री जावेद अहमद डार होरें अज्ज उधमपुर दे सुभाश स्टेडियम च इक बड्डे किसान मेले दा उद्घाटन कीता जेह्दा मकसद सरकारी स्कीमें ते सेवाएं दा लाहू करसानें तगर सिद्धा पुजाना ऐ। इस दरान करसानें गी सरबन्धत सैक्टरें च माली मदाद योजना ते इन्दे फायदें गी हासल करने दी प्रक्रिया बारै शिक्षित करने लेई नुक्कड नाटक दा बी सरिस्ता कीता गेआ। इस कार्यक्रम दा आयोजन जम्मू-कश्मीर किसान सलाहकार बोर्ड ते जम्मू कृषि निदेशालय आसेआ सांझे तौरा पर कीता गेदा हा। इस मौके पर बोलदे होई मंत्री डार होरें आखेआ

<><><><><><>

Building New India

2025 दा ब'रा भारत च ढांचागत विकास दे सफर च इक मील दा पत्थर साबत होआ ऐ कीजे इस ब'रे दरान रेल, सड़क ते सामरिक संपर्क निर्माण बड्डे पैमाने पर होआ ऐ। इस ब'रे दा इक खास आकर्षण चनाहू दरेआ पर बनाया गेदा दुनिया दा सभनें शा उच्चा रेलवे पुल रेहा जेह्दा उधमपुर-श्रीनगर-बारामुला रेल संपर्क परियोजना दा हिस्सा ऐ जेह्दे नै कश्मीर घाटी तगर 12 म्हीने हर मौसम च रेल राबता मुमकिन होई गेआ ऐ। एह्दे अलावा इस्सै ब'रे प्रधानमंत्री होरें जम्मू-कश्मीर च गै जेड मोड टनल दा बी उद्घाटन कीता जेह्दे नै सोनामर्ग धोड़ी 12 म्हीने सड़क राबता बने दा रौहगा। इस परियोजना दी मदद कन्नै सैलसफा गी बढावा थहोने दे कन्नोकन्नी लद्दाख खित्ते धोड़ी फौजी समेयान ते गड्डिएं दी आओजाई यकीनी बनी ऐ ते कन्नै अपात सेवाएं दी बी इनें कठन इलाकें धोड़ी पुज्ज 12 म्हीनें यकीनी बनी गई ऐ। एह्दे उद्घाटन दे मौके प्रधानमंत्री मोदी होरें आखेआ हा

<><><><><><>

Jammu Marathon

जम्मू-कश्मीर पुलिस आसेआ अज्ज गुलशन ग्राउंड च रन फॉर युनिटी जम्मू मैराथन-2025 दा आयोजन कीता गेआ जेह्दे च 8 शा लेइयै 70एं ब'रें तगर दी उम्री तगर दे 8 ज्हार शा ते प्रतिभागियें इस कार्यक्रम च हिस्सा लैता। ए.डी.जी.पी आनंद होरें इस द्रौड़ गी झंडी दस्सियै रवाना कीता जेह्दा मकसद सेहत, इकजुटता, नशामुक्त,

जीवनशैली ते नौजवानें गी इस बक्खी प्रेरित करना हा। इस मौके पर बोलदे होई ए.डी.जी.पी जैन होरें शारीरिक तंदरुस्ती, समाजी सद्भाव ते सेहतमंद जीवनशैली दे महत्व पर जोर पाया।



Weather

Yatra-Fake News

मौसम विभाग नै जम्मू-कश्मीर च कल्लै तगर अदे-दुब्बे तौरा पर बद्दल छाए दे रौहने दी पेशगोई कीती ऐ। 30 दिसम्बर गी किश थ्हारें पर हौली बरखा ते बर्फबारी होने दी मेद ऐ- 31 दिसम्बर ते पैहली जनवरी गी बी केंई सारी थाहरें पर हौली बरखा ते खास करी उत्तरी ते मध्य कश्मीर दी उच्चिणं धारें पर बर्फबारी होने दे आसार न। जम्मू खित्ते दे मैदानी इलाके च घनी थमां दरम्याने दर्जे दी धुंध पौने दी बी खबर ऐ। इस बारै होर मती जानकारी दिंदे होई मौसम विभाग दे अधिकारी नै दस्सेआ

